

# 反三國志



中華民國三十五年出版

反三國志 全書二冊 實價國幣

外埠酌加郵費

著者 何 可 人

發行人 許 寶 之

出版者 大 文 書 局

○ 版權所有  
翻印必究  
\*\*\*\*\*

總經售處上海

泰明書店 文光書局  
百新書店 勵力出版社  
育才書局

各省各大書局均有代售



## 吳佩孚序

吾國戰術，肇於黃帝，作於春秋，盛於三國，而烈於近代，以步戰，以車戰，以騎戰，刀矛弓矢，進而爲火器戰，至血肉之軀，不堪一搏，而陸戰，而水戰，而航空戰，再進而鋼車鐵艦，潛水艇，綠氣砲等，而爲科學戰，則山川之險，莫守一夫，爭城爭地，爭長爭雄，始於國內者，迄而國外，將復進而爲國際戰，爲世界戰，則歐亞馳驅風雲變色，瞬且飛行萬里，國界以破，金湯盡失，天塹無功，迨至進而爲航空戰，爲科學戰，則龍戰於天，玄黃其血，戰之局日新，戰之區日以擴，戰之具日以備，戰之禍亦日以深，而戰鬪之術，乃日以光以大，居今之世，使執古人而問戰術，誠有孫吳所不得名，師尚所不得語者矣，洸洸宇宙，迥非必不得已而可去兵之秋，軍旅之事，早爲有國者必興之教，國防是亟，軍國民教育是，重固不值以國魂有託而宜然也，齒兵凶戰危之道，不知爲大同所必履之程，哀易子析骸之慘，不知爲天演中必開之例，文明之氣象，所莫遜者，野蠻之酷毒，專家之學術，所得同者，萬物之芻狗，謂人類之祖先野蠻可忘，而天地之生殺萬物爲不仁可乎，是故和平親善，無在不託諸空言，弭兵非戰，無國不爭於戰備，因之戰術日新，蓋猶未已，夫豈不曰萬惡皆歸於一戰者，而萬善亦皆歸於一戰也耶，吾國處於次殖民地也久矣，欲求轉弱爲強，終非不戰可得，是與其居於人後，爲自欺之非戰，無寧預於事先，爲思危之備戰，雖戰具非人人可得而備，然戰術固人人可相爲習，且以國魂所寄，而無待於外求者也，亦卽與備戰同功者也，國之人士，震於海陸空軍之名，負笈外游，學成而返，滿懷大欲，自擬天驕，投身



戰陣卒亦比比，而十年以來，旋起旋仆，勝負無常，或死或生，成敗靡定，幾若武力之不足恃，戰術之不足信者，於是或隱聞巷，或入山林，或去他邦，或游緇侶，人材戕賊，以內戰爲之一空，坐使營私自固，相習成風，游說之士，過江如鯽，國魂盡喪，而戰術爲之不揚，豈有他哉？殆未明於戰道耳。夫一國有一國之情，卽一國有一國之戰道，戰術有變，而道爲常，戰術可通，而道不易，飽異域之戰術，而反其國之道焉，斯縱橫捭闔之徒可得而乘，馳騁疆場之士從而必敗者也。時逢戰國，則蘇張之辯以生，書曰：陰符，則韜鈴之略以備，以詐相高，以詭相尚，循環不厭，而亂以不息，國情如是，戰道亦如是，國之戰術，亦鮮不如是而已，故執古人而問今世之戰術，洵瞠目結舌以無詞，而求自國之戰道於古人，必口誦心唯而有得，是亦軍事重於地理，重於歷史之要義耳。周子大荒，憤今人之空言戰術而不明戰道也，痛今時之戕賊人材而盡喪國魂也，悲今世之妄談非戰而莫知備戰也，因取三國演義而盡反之，以明一代戰術之盛，而見一國戰術之風，將以今之戰術求於古人，庶幾可合于戰道，而亦借古人之抱負以惜今人，卽以自抒其抱負也。於是發憤以成書，雖謂爲游戲文章而自小之，吾知藏之名山，傳諸後世，將與大錄陰符共垂不朽焉。蜀山濤暑，開卷諷誦，盎然有味，俯省藐躬，更有愧焉，故勉爲之序。

子玉吳佩孚



## 張堯卿序

民國四年首春，余新自日本還京師，識周君太荒於衡陽劉未龍寓中，縱酒高談，傾倒四座，時大荒方應知事試驗來京，顧馳聘於聲色，惓惓於女伶小月英，發爲文章，奇譎偉麗，又見其爲金玉蘭九錫文，儷青妃白，五千餘言，氣象雄偉，不可一世，心奇之而未深識也。又二年，余主辦正義報於天津，俛其編輯文苑，相處幾三月，粗識其爲人，旋因天津水災停刊，大荒亦應前甘肅督軍黃幼蟾之招，委以要職，未幾奉命還相，進言譚浩明，以桂軍守岳州，以湘粵聯軍出公安石首，援荆襄以窺中原，言甚切至，譚貪總湘軍民政權，不用其言，石黎既敗，岳長失守，譚狼狽走永州，大荒亦間關再上京師，余聞其策，深惜其言之不用也。參戰軍起，第一師參謀長渭源裴建準，與大荒同聽戲廣德樓，立談之間，相與定交，言於師長曲同豐，令典書記，八年四月，裴奉命出鎮河州，要與同行，大荒周歷四塞，盡悉其利害形勢，爲上書當道，凡數千言，時督甘者爲合肥張廣建，庸懦冗沓，心善之而不能用於裴公，千里相要，中道棄去，何以爲心，婉辭謝之，時河湟洮狄往來頻數，大荒感諸葛出兵天水之事，傷近代戰事之盲昧，慨然有述作之志，於是發膚撰此書，始成三回，以女弟夭亡，老母夢思成疾，乞假南歸，未幾復來京師，余從問西邊形勢，大荒歷舉道途遠近，河山阨塞，民族強弱，賦稅多寡，軍隊布置以對，如數家珍，伏波聚米爲山，比之昔賢，殆可無愧，余心折焉，始識向者以書生目之，固獨皮相也，十年六月，湘鄂戰起，大荒因故友劉琪



筓死於京師，爲之營葬，送其父還長沙，前師長李右文，夙知其才，言於總指揮宋鶴庚，以爲秘書，將發之先，李問以此行結果如何，大荒笑曰：「鄂中主客軍，無慮七八萬，我以二師一旅，而云尅期至武漢，殆無此易事也。」武漢重鎮，爲南北所必爭，洛吳之欲言不言者，欲我爲之驅王占元耳，我輩此行，不可謂援鄂，但可言爲蕭耀南效力也。李以軍事既定，不可復諫，相與喟然而已。一月而事敗，由岳州至漢皋，至上海，轉赴奉天。次年二月，由奉天返湖南，湘中將帥，皆知之矣。始令爲總部軍法官，繼改軍務司書記官，會湘西事起，大荒以摯友陳志壯爲蔡倚任，思爲排解，以弭戰禍。十二年五月，冒險至沅陵，蔡鉅猷一見傾心，盡以吳謝宋魯往來文電示之。大荒由沅陵致書李右文，極言宋魯吳謝之不穩，願以百口保蔡氏之兵，不出沅陵一步。書未並言長沙之憂，不在邊外，而在蕭牆。李得書，以去就爭，不得請，卒以母病辭職。大荒自沅陵歸，亦棄職去。語所親曰：「始禍者湘西，而受禍者其湘南湘東乎？後趙卒以朱耀華兵變，倉皇出走，而衡永長岳，皆爲戰場。大荒感故國之凋零，棲迹都門，時復太息。余然後始知其輕財而重俠，好謀而能斷，不僅博學而有文矣。十三年四月，余創辦民德報，仍以文苑相屬。大荒始出其反三國志舊稿，續以付刊，日成一回，回約數千言不等。三月而歲事，余與共晨夕者數月，見其日事游衍，流戀歌場，率爾操觚，略不經意，而細繹之，則針線細密，結構謹嚴，回環照應，首尾完具，雖其才氣縱橫，學識英邁，亦其閱歷宏富，經驗良多，有以致之也。書中反復於師克在和之旨，寫三國諸將，雖於窮困艱難之時，猶以死力相救護，會無妬嫉棄置之心，又皆傾財以饗士，毀家以弔難，無一懈戰役以肥私囊者，則其有感於當世之軍人者深矣。至於兵凶戰危，兵不擾民，



之意，再三申述，而不自己，是其親見烽火縱橫之中，人民流離之苦，其所印者深，故所言者彌重耳。曹孫旣滅，備若可王，乃以同爲禍首，胥歸於盡，善戰如孔明，而自怨自艾者，又復如彼，於戲，何其意之幽遠而綿邈耶！以馬超爲功首，而超之兵，不免於縱掠，則猶是僧格林沁鮑超之軍爾，於軍事上固有便利之所，而人民則已創鉅痛深矣。絃外之音，索解人正復不易也。至其設計，上窮歷史之軍謀，下撥近代之兵略，上下千古，成一家言，而言皆有物，類非空談。余本書生，廁身戎馬，金陵一役，親歷戰陣，攻守之艱難，嘗恨書生之論動輒云統籌全局，不知軍事瞬息萬變，不可遙度，所畫太遠，中有蹉跌，則全功盡廢，會不如步步爲營，各個作戰，得寸進寸之爲愈也。此書不務遠，不侈談，大戰數十，而所部之兵，無過十萬者，調度將士，層次井然，無有不重視後防者，是殆鑒於德國之敗於麵包，相軍之敗於岳陽也。余嘗謂孔明令魏延出常山以攻幽州，不如從李自成由寧武出燕京之故道，大荒言曹彰已出屯柳城，若倉卒相逢，必全軍覆沒，則其小心謹慎，概可見矣。至其獎勵節義，指示方略，後之覽者，將有所觀感焉。余讀其管寧蹈海之賦，諸葛游洛之詩，知作者非戰之心，固不忘於寤寐也。其所以痛斥張松者，愛國之忱，躍然紙上，又烏可以其寓言而小之，間有疵漏，爲罅尚微，秋雨新涼，展卷維誦，不知當擊碎幾許唾壺矣。

長沙張堯卿序於京師



## 樊序

昔予過蜀都，弔武侯侯遺蹟，輒悲歌慷慨，不能自己，嗟乎，以彼諸葛負王佐之才，抱忠貞之志，而又加之以勤慎，宜可削平南北，統一疆宇，乃卒以街亭一敗，奄忽不振，爲可悲也。雖然，古來成敗得失，論者每歸諸天命，按之人謀，要亦不無闕失，及予觀周子大荒所著反三國志，快意之談，一切與成局相反，運籌則出人意表，行軍則執於險阻，戰無不克，謀無不臧，則又不禁破涕爲笑，然則，周子所見，果出於武侯之上乎？曰：否，凡事躬親之難，常不敵旁觀之易，先時之闇，又不敵事後之明，身膺軍國之重，不能不審顧全局，又不如論古者之銳敏而輕脫也，或者不察，竟執一時快意之談，咎武侯畏葸而憤事，則亦過矣，抑又聞之，儒者讀書論古，不平之事，何代蔑有，以屈平之懷沙，則欲誅令尹子蘭，以張巡死睢陽，則欲誅賀蘭進明，以岳飛風波亭冤獄，則欲誅秦檜，此固天地之正氣，不能伸於一時，留於異代人心而不死者也，然則此書之作，亦曷可少哉。

樊鍾秀謹序



# 題詞一

韓國鈞

興亡漢魏盡成塵，信史而今半失真。身後是非誰管得，不妨花樣儘翻新。  
 炎劉火德未全衰，吳魏終看鼎祚移。萬國衣冠朝幼主，士民爭睹漢官儀。  
 髀肉復生先王志，鞠躬盡瘁老臣心。出師已捷身才死，不使英雄淚滿襟。  
 三分天下吾其二，孤寄何須附建安。自帝自王何不可，可兒畢竟是曹瞞。  
 却乘時勢造英雄，攬轡澄清有女兒。桴鼓能爲夫壻助，蛾眉端不讓鬚眉。  
 當年蹈海有田橫，漢末孤忠見管寧。天與遺民全勁節，爭如白帽傲公卿。



## 題詞二

葉德輝

晴窗走筆遣炎氛，入手新編廣異聞，笑對癡人曾說夢，敵聯兒女共論文，女媧石煉天能補，梁父吟成日未曛，底事天心終佑漢，不教鼎峙有三分。  
艷異搜神語已陳，更從鐵案又翻新，狐狸塚現衣冠古，傀儡場疑面目真，漢魏興亡空幻像，中原馳騁屬何人，生花筆作非非想，能使泉台土氣伸。

許  
褚

曹  
操

郭  
嘉



周瑜

孫權

魯肅



伏皇后

漢獻帝

董卓



關壯繆

昭烈帝

張桓侯



曹孟德  
移駕幸許都



曹孟德敗師  
水





太史慈酣鬥小霸王



下城樓  
兵曹





王司徒  
巧使  
連環計



曹孟德大破呂布



董太史大  
關鳳儀亭



楊奉  
董承  
雙雙  
被殺

